



Шогшо эл, порымлык да гим берг!

Будь готов/ ЯМДЕ-ЛИЙ

1933 ий 1 февраль годсек лектеш.

0+

Фотопроект

Марий кундемын
100
МАРИЙ ЭЛ
Эргыже ден ӱдыржӱ



Н.ТОКТАРОВАН фотожо.

Лудса:

Игнат Дмитриев ден Марьяна Нигматзянова теле каникул годым Карелийыште лийыныт. **3**

Марий Турек кыдалаш школын тунемшыже марий тамгам сӱретлыман почто маркым шымлен. **5**

«Марий театрлан – 100 ий» теме дене урок радам. Туныктышо-влак, пашаштыда кучылтса. **6**

Тест.
Койыш-шок-тышетым пален налаш пырыс-влак полшат. **7**



Тунеммаште, спортышто, мер пашаште ойыртемалтше ӱдыр-рвезе-влак, фотопроектыш ушныза, сай качестван фотом редакцийышке колтыза!



Фотошто:
Йошкар-Оласе 61-ше номеран «Теремок» йочасадын воспитаникше-влак Маргарита ЕВСЕЕВА ден Андрей УТКИН. Нуно Марий тиште кечылан полклатше «Сылнымут аршаш» конкурсышто 1-ше верым налыныт.



Фотом еш архив гыч галме.

Российысе хорышто

Звенигово район Кужмара йоча сымыктыш школ гыч ўдыр-влак (снимкыште) Моско олаште Российысе йоча хорышто муренят.

Российын тўрлў кундемже гыч 548 йоча хорыш ушнен. Нунын коклаште Марий Эл гыч Виктория Антропова, Милана Алексеева, Регина Данилова, Эвелина Капацына, Дарья Орлова лийыныт. Ўдыр-влак Кужмарасе йоча сымыктыш школ пеленысе хорышто мурат, тыгак Всемарийский йоча хорын участникше улыт. Москошко логалаш манын, 19 мурым наизусть тунемыныт. Ўдыр-влакым Л.М.Смирнова тунукта.

– Тыгай хорышто мураш – кугу опыт. Москошто ик арня лийынна, шуко ум пален налынна, шуко шарнымаш кодын. Лариса Долина дене пырля «Дадим шар земной детям» мурым йонгалтарымына поснак келшен, – ойлат мурызо-влак.

Х.АЛЕКСАНДРОВА.

Марий Турек кыдалаш школын «Берендей» школ лесничествыже Российысе смотр-конкурсын «Просветительская деятельность» номинацийыштыже эн сайлан шотлалтын.

Пўртўс – илыш

Мыланем пўртўс пушенге, шудо, чодыра гына огыл, а илыш. Марий мландыште пўртўс пеш мотор. Но тиде сылнылыклан энгекым ышташ шонышо-влак улыт: пушенгым шолып руат, чодыраште тулым ылыжат. Тыгай койыш мыланем ок келше. Мыланна, самырык тукымлан, осал ваштареш чот шогыман. Кў пўртўсым арала – тудым пўртўс куандара.

Настя ВАЛЕРЬЯНОВА.

Морко, Коркатово.

Йошкар-Олаште 48-ше номеран «Маленькая страна» у йочасад почылтын. 13 группыш 320 икшыве кошташ тўналеш.

Тунеммаште – у

Российысе школлаште аттестатыш «зачётым» але «незачётым» шындаш тўналыт.

Российысе просвещений министр О.Ю.Васильева тыге палемден: «Тиде йўным икмынар школ шукертак кучылтеш. Тыгай отметкым музык, физкультур да ИЗО предметла дене шындаш лиеш. Кажне йоча куржталаш, мураш, сўретлаш йўрата гынат, «визытанлан» тунемын огеш керт. Мыйын шонымаште, музык мастарлык чылалан ок пуалт, тидлан кўра аттестатым «кумытан» отметке дене локтылман огыл. Туге гынат, ты йўным кучылташ але укем кажне школ шке решатлышаш».

Спортыш корно

30 декабрь гыч 10 январь марте ме, 55 тунемше, спорт сборышто лийынна.

Ме ече дене коштынна, спортзалыште волейболла, баскетболла, теннис дене модынна. Тыге тўрлў тагасымашлан, ГТО нормативым темашлан ямдылалтынна. Занятий-влакым физкультурым тунуктышо А.А.Семенов ден ДЮСШ-ан тренерже С.Н.Иванов эртаре-ныт.

Школ столовыйышто повар-влак шокшо кочкышым пукшеныт. Школ директор ден тунуктышо-влаклан пеш кугу таум ойлена. Тренировкыш коштын, пентгыдемын кушкына, кугу спортыш корным почына.

Андрей МШАРОВ.

Волжский, Пўтъял.




«Великая сила родной земли» калык усталык республикысе фестиваль 31 январь гыч 6 май марте Йошкар-Олаште эртаралтеш. Тудо Кугу Ачамланде сарыште Сенгымылан 75 ий да Марий Эл Республиклан 100 ий теммылан пўлеклалтеш.

Йошкар-Оласе «Марий Эл» ий полатыште 15 гыч 17 январь марте самырык хоккеист-влак коклаште А.В.Тарасов лўмеш «Золотая шайба» всероссийский ўчашымашын II этапше эртаралтын. Чылаже 8 команде йодмашым пуэн.

Марий Элыште 9-ше классыште тунемше-влаклан 12 февральыште руш йылме дене иктешлыше собеседований лиеш. Тўрлў амаллан кўра тергыме-пашашке толын кертдыме-влак да «незачётым» налше-влак 11 мартыште да 18 майыште уэш сдатлат.

Кок кече – Карелийыште



Марьяна Нигматзянова ден Игнат Дмитриев (снимкыште) иктанаш улыт. Нуно 2-шо классыште тунемыт: Марьяна – «Канде кайык» гуманитарный гимназийыште, Игнат – Йошкар-Оласе 1-ше номеран школышто. Теле каникул годым авашт дене пырля тора Карелийышке миен коштыныт.

Родо-тукым калыкын мландыштыже, Онежское ер воктене, йоча-влакым йомакысе Вееристия вуверкува, Lumi

Kelloja луман эрге, Йүштө Кугыза да Лумудыр вашлийыныт. Нуно карел модыш дене модыктеныт, куштыктеныт. Хаски паркыште пий-влакым лумын кучат. Марьяна кажныжым вуйышт гыч ниялтен. Карелий мландыште ожно саам-влак иленыт, саам чумышто шаман тулото воктен түрлө йулам эртарен, шудо чайым йүктен.

Вес кечын Марьяна ден Игнат мастер-классыште кантеле дене шокташ тунемыныт. Тиде карел калык семүзгар күсле гай ныжыл семым луктеш. Кантелем карел эпосын тун геройжо Вяйнямейненын күслеж манят. Тыгак мастер повар дене пырля рупиттетю (калитки) карел когыльым күэштыныт.

Марий Элын эргыже ден үдыржө карел кундемысе пүртүс поянлык денат палыме лийыныт. Российысе ик эн тошто «Кивач» заповедни-

кыште ли-йыныт, тыгаяк луман вүдшунгал-тышым онченыт, дендрари-йыште да пүртүс тоштерыште янлык да кушкыл туня дене палыме лийыныт. Рускеал курык паркыште мрамор карьер-влакым онченыт. Тиде кундемысе мрамор дене шке жапыштыже Санкт-Петербургышто полат-влакым сорастареныт. Кызыт курык паркышке турист-влак ончаш да каналташ толыт.

Карелий кундемын Петрозаводск рүдолаже нергенат экскурсовод ятыр каласкален. Ынде йоча-влак сайын палат: тиде ола Пётр 1 кугыжан күштымыж почеш чоңалтын.

Марьяна ден Игнат Карелийыште кок кечат пелым веле эртареныт. Туге гынат күчык жапыште шуко ум пален налыныт. Марьяна Карелий нерген шарнаш йүд-вельысе морошка емыж гай брошкым налын, Игнат Рускеала гыч мрамор күм конден.

Л.Г.ИВАНОВА, туныктышо.
О.Нигматзянован фотожо.

ТОЛМЫШТЫМ ВУЧЕМ

Мый 5-ше классыште тунемам. Моло йоча гай школышко ом кошт. Черле улмемлан көра мый декаем туныктышо-влак мөнгышкем толыт. Чыла предмет денат сайын тунемаш тыршем. Школыштына кугу мероприятий дийме годым ачам-авам тушко мыйым намиен коштыктат. Классем дене пырля мыят мастарлык-кем ончыктем.

Теве ик кечын мый декаем школ гыч йоча-влак унала толыныт ыле. Түрлө модыш дене модна. Авам унам-влакым тутло мелна дене сийлыш. Тиде кече шарнымашеш кодо.

Йолташем-влак-лан таум ойлем да уэш толмыштым вучаш туналам.



Шернур, Купран.



Тамга пайрем

Марий тиште кечылан пөлекклалтше пайремыште тений мыят лийынам. Форумым торжественно почмо деч вара Марий самырык театрын артистше-влак «Каза, тага да пырыс» марий калык йомакым модын ончыктеныт. Йомак икте-васылан полшаш, келшен илаш туныкта. «Финн талинга» мастер-классыште, арама воштырым тодын, талингам ыштенна, «Курчак аралтышыште» – түрлө осал деч аралыше курчакым. Кидмастар-влакын паша ончерышт, книга выставке онгай лийыныт.

Кристина ИЛЬИНА.
Медведево, Сенькан.

Артём
ВАСИЛЬЕВ.



ТУКЫМ УЛЫНА

Мый йоратем
мотор ялемым,
Лыжга мардежым,
канде каваMAT.
Йоратыме суртем,
сөрал пүртүсүм
Ом кае нигунам

тораш коден.
София ЕФИМОВА.
Морко, Энерсола.

*Книгалан шушо
йолташ уке.*

*Книга –
шинчымаш пашаш.*

Книга – йолташ

Тений мый книгагудыш
чүчкыдынрак кошташ
тўналым. Руш литератур
урок дене ытыр произведе-

нийым лудаш күлеш. Тыгакшат мый книгаг лудаш
йоратем. Сылнымут гоч ожнысо илыш, тўрлө
историй, мотор вершөр нерген пален налат,
тўняумылымаш келгемеш. Марий поэт-влакын
почеламутышт шўмыштем утларак кугу верым
налыт. Марий кундемын шочшыжо-влак шочмо-
кушмо вершөрыштым эн сылнын сўретлат. Йоча-
влак, книга дене кылым кучаш ида өркане.

Ирина ПЕТРОВА.

Морко, Коркатово.



Усталыкым виангдена

Школыштына «Кодам ўжара» сылнымут
да краеведений ушем пашам ышта. Тудым
марий йылмым да литературым туныктышо
З.А.Беляева вўда. Ме лудына, возена,
лончылена, шымлена. Школнан лўмгечыж-
лан сылнымут да мурсем композицийым да
тўрлө сценкым ямдыленна. Калык мемнам
шокшын вашлийын. Йоратыме школнам
эре моктымына веле шуэш. Тыште мемнан
мастарлыкнам виангдаш шуко паша ышталтеш.

**«Кодам ўжара» ушемын
енже-влак.**

Кодам ялем

Мый Кодамыште илем,
Тудым пешак йоратем.
Тиде ялже пеш чатка,
Шым менган, урем лопка.
Калыкшат пеш весела,
Школнажат

волгалт шинча.

Тыште мые тунемам,
Ушым, вийым погалам.

Диана АНТРОПОВА.
Советский район.



*Сылнымутлан шўман, газет да журнал-влак дене кылым
кучышо ўдыр-рвезе-влакым У Торъял районысо
Токтарсола школ эртыше идалык мучаште
иквереш чумырен. Тушто юнкор толкынын рес-
публиканский площадкыже эртаралтын.
Вашлиймашым Марий Эллан 100 ий да
Сеҥымашлан 75 ий теммылан пөлекленыт.*

Школысо

сылнымут апшаткудо

Йоча-влак школысо юнкор пашашт дене пал-
дареныт. Токтарсола школышто «Тулвий»
юнкор кружок тылзе еда «Рвезе йўк» газетым
луктеш. Марий Турек районысо Сардаял шко-
лышто «Шонанпыл» юнкор кружокыш 9 йоча
коштеш. Нуным марий йылмым туныктышо
К.П.Плотникова вуйлата. «Юнкор сомылым
шукташ «Кружок» независимый образовательный
проектын чолга енже-влакын эртарыме журна-
листике школышто налме шинчымаш кугун
полша», – ойла Ксения Платоновна. «Рвезе
йўк» (У Торъял, Кузнеч) юнкор кружок 2018
ийыште В.Б.Исенеков лўмеш премийым сулен.
Тунемше-влак «Ямде лий» йоча газет дене
кызытат пенгыде кылым кучат.

– Шернур районысо Марисола кундемыште
мыняр ял – тунар возышо, эше икте веле огыл, –
кугешнен ойла Марисола

Погынымаште
У Торъял, Элембай
(У Торъял район)
школла гыч сылны-
мутыш тўналтыш
ошкылым ыштыше
ўдыр-рвезе-влак
лийыныт.

школын тунемшыже
Андрей Максимов **(снимкыште).**
1929 ий гыч школышто юнкор сомыл
шуйна. Кызыт электрон йон дене
«Факел» газетым ямдылат, «Ший
онгыр» пырдыжгазетым луктыт. Юнкор-влак дене пашам туныктышо-влак
С.В.Петухова ден С.М.Максимова вўдат.



*Ўжмө уна-влак:
«Ончыко» журналын тўн
редакторжо, поэт И.Г.Попов,
ты журналын пашаеҥже, Марий
Эл Республикын сулло журна-
листше Б.А.Шамиев да «Ямде
лий» газетын пашаеҥже
Л.Н.Григорьева – поэзий, прозо
да публицистике секцийлаште
мастер-классым эртареныт.*

Л.ГРИГОРЬЕВА.

Кинде – вуй

Шокшо, пушкыдо кинде түрлымö солыкышто кия. Тудын тамле пушыжо пöрт мучко шарлен. Кызыт кевытыште түрлö тутло киндым налаш лиеш. Тидлан куанышаш улына. Кинде эре лийже манын, шуко ег пүжвудым йок-тара. Лийын тугай жап, кунам кинде чылалан ситен огыл. Сар жапыште, түрлö кушкылым, рокым ложаш дене варен, киндым пыштеныт.

Полина МАКСИМОВА.

Параньга, Матародо.

Туныктышо – А.В.МОРОЗОВА.

Рывыж гай чоя меран

Каныш кечын ачам дене коктын чоды-рашке мийышна. Тудо мыланем түрлö онайым каласкалыш: «Тиде верлаште меран ила. Теве ужат: шопке шүмым нултен. Меранат рывыж гай чоя. Сонарзе але рывыж деч шылаш манын, пунжым ош чия дене чиялта. Пылыш мучашыже веле шемак кодеш. А лум үмбач туге чымалтеш, лум пурак веле шыжалтеш.

Рывыж да пире деч лач кужу йолжо утара.

Йүштыштö кочкаш ок му гын, олмапумат нултен кая». Тыге меран нерген пален нальым.

Арина ФЁДОРОВА.

Морко, Арын.



Онай урок

Туныктышо Н.Я.Уткинан мемнан классыш толмекыже, пүтын илышна вашталте. Пырля тунемме йолташ-влак дене түрлö проект пашам ыштена, конкурс-лаште вийнам тергена. Наталья Яковлевна шыма, поро кумылан, шке ава гай чучеш. Кеч-могай йодыш дене миег гынат, эре вашмутым муэш. Урокуштыжо түрлö у йöным кучылтеш, онайын каласкала, умылашат куштылго.

Диана БОГДАНОВА.

Оршанке, Кугунур.



Волгыдо игече

Мардеж пуале – йүштын чучо. Ий дене кылмыш ночно мланде. Ялемым мамык лум леведе. Мемнан дек тольо йүштö теле. Пушенге-влак мален колтеныт, Леведын нуным шокшын лум. Кава ик түс дене пүрдальтын, Коеш моторын, кеч чылтак сур. Меран тöршталын кудалеш, Пушенге шүмым нулталеш. Могае сылне теле кече – Шүмем волгалтыше игече.

Диана ВОЛКОВА.

Шернур, Марисола.

Кö оза?

Мемнан кундемшыте кызыт теле озалана. Кече күзенат ок шу, рүмбалгашат тунгалеш. Кас велеш игече изиш йүкшемда. Теле мемнам пушкыдо ош лум дене куандара. Йоча-влаклан ий үмбалне коньки дене мунчалташ, ваш-ваш лумым кышкылташ, лумьеным ышташ келша. Мый телым йöратем.

Аня ОРЛОВА.
Марий Турек,
Сысоево.



1. Б.Даниловын ойлымашыж гыч герой тыге ойлен: «Мый марий калык гыч икымше космонавт лиям».

Ойлымашын лүмжым палыза.

2. В.Ивановын «Вүдшö келге, серже тура» повестьшын геройжо.

3. Тиде учебникым В.Сапаев изи йоча-влак-лан возен.

4. Э.Сапаев могай оперым возен?

5. Б.Даниловын «Туныктышо чыла пала» ойлымашыжын геройжо.

Вашмутым чын пуэда гын, нине лүмлö ег-влакын шочмо ялыштым пален нальда.

Кроссворд



Елизавета САДОВИНА,
6-шо класс.
У Торъял, Немда.

Марий тамган марке

Арина Курочкина Марий Турек школын 5-ше клас-сыштыже тунемеш. Тудо проект пашам ямдылаш йöрата. «Тунгалам гын, йүд марте шинчем», – ойла үдыр.



«Шочмо вер да пүртүс – поэт-влакын усталыкыштышт» икымше проектым кокимшо классыште улмыж годым возен. «Марий тамган почто маркын историйже» проект пашаж дене «Пряников лүмеш лудмаш» республикысе шанче-практике конференцийыште кумшо верыш лектын.

– Мемнан школыш Чехийыште илыше Павел Фохлер (кусарыше) деч серыш толын. Тудо марий маркын мом ончыкты-

мыж нерген умылтараш йодын. Мыланемат тидын нерген пален налаш онай лийын.

Почто маркыште ожнысо сöрастарыме үзгарым да марий түрым сүретлыме,

– ойла Арина. **Е.ИВАНОВА.**





Кўшыл категориян туныктышо, Россий Президентын грантшым кок гана налше, Россий Федераций общий образованийын почётан пашаенже, Йошкар-

Оласе 21-ше номеран школышто кугыжаныш марий йылме урокым вудышö **О.Н.ВАСЕВИНА** ямдылен.



Йылме пеледышым лого

1

Яра верым темаза.

Марий кугыжаныш драме театр шочын. Икымше спектакльым артист-влак _____ школышто шынденит. Спектакль _____ маналтын. Икымше театр полатым Краснококшайскыште _____ чоненит. 1948 ийыште театрлан Шкетан лумеш Марий национальный драме театр верланен.

Марий театрлан – 100 ий 2 Сүретыште могай театр-влак улыт? Лумьштым да могай ийыште почылтмыштым возыза.



5

Йодышлан вашмутым пуыза.

Театрыште могай спектакльым ончышыч? (интересный)

Билетым театрыш кунам налынат? (заранее) _____

Шинчyme верет кушто лийын? (в партере, в третьем ряду) _____

Спектакль тыланет келшен мо? (очень) _____

3

Предложенийлан йодышым келыштарыза.

Я.П.Майоров-Шкетан – марий литературын классикше.

Тудо 1898 ий 30 октябрыште шочын.

Шочмо верже – Оршанке район Тошто Крешын ял.

Яков Павлович марий театрыште драматург, режиссёр да актёр семын тыршен.

Чылаже лу наре почеламутым, латкум пьесым, шүдö наре ойлымаш ден очеркым, «Эренер» романым возен.

4

Глаголым кокымшо

эртыше жапыш шындыза.

Шуматкечын ме класс дене М.Шкетан лумеш театрыш _____

(мияш, II спр.). Тушто С.Николаевын «Салика» спектакльым _____ (ончаш, II спр.). Спектакль кок шагат наре _____ (каяш, II спр.). Залыште пеш шуко _____ калык _____ (лияш, I спр.). Спектакль мыланна _____ пеш _____ (келшаш, II спр.).

6

Муткылдыш-влакым марлашке кусарен возыза.

Ставить спектакль _____, спектакль _____ идёт _____, спектакль _____ начинается _____, спектакль _____ по пьесе – _____, режиссёр _____ спектакля _____.



Нине куд пырыс кокла гыч тыланда куды-жо келша? Ынде шке койыш-шоктыш-дам тергыза.

1. Те поро кумылан, тыматле айдеме, ўшанле йолташ улыда. Тўшкаште лияш огыда йўрате. Лишыл йолташда-влак коклаште веле ўшаным да ласкалыкым шижыда.

3. Те усталык шўлышан, артист койышан улыда. Шуко онгай шоньмашан, эмоциян да артист койышан улмыланда көра «Мыйым огыт умыло» манме шоньмашда кумылым волта.

4. Те кумылзак, тыматле айдеме улыда. Шонкалаш, пўртўсыштө лияш йўратеда. Ен-влакым пиаланым ышташ тыршеда.

5. Те чыным йоратыше, илышым шымлыше улыда. Енгом колыштын моштеда. Лекше нелылыкым писын торледа, тидын годым чылаштын шоньмашыштым шотыш налаш тыршеда.

2. Те сайлан ўшаныше, ласка айдеме улыда. Енгом шижын моштеда. Ўшанле, чын йолташ улыда. Енгом кумылжым шкендан деч ончык шындеда. Йолташда-влакын чыла сайлийже манын тургыжланеда.

6. Те кечмогай шоньмашке шуаш тыршыше улыда. Мом ыштышашым, мо күлешым, шкендан могай йон улмым раш паледа. Уло вийдам тунеммашке пыштеда, сандене канаш жагда шагал.

Теле толын,
лум лумеш.

Иян мландым леведеш.
Мый уремшыке лектам,
Мамык лум дене

модам.

Артём ПАВЛОВ.
Шернур,
Марисола.



Йоча-влак, а те телым кузе модыда? Возен колтыза.

Сўретым чиялте.

Индекс: П4696.
Тираж 1150 экз. Заказ
Формат – А-4-8.
Тўн редактор Л.В.СЕМЕНОВА.

https://vk.com/yamde_lii
<https://ok.ru/yamdelii>
E-mail: yamde_lii@mari-el.ru
(документ кагазлан),
yamde_lii@mail.ru
(автор-влаклан)
Сайтын адресше:
yamdelii.rf

УЧРЕДИТЕЛЬ-ВЛАК: Марий Эл Республикысе культур, печать да калык-влакын пашашт шотышто министерстве, «Ямде лий» газет» кугыжаныш унитарный казна предприятий.

Газетым редакцийыште погым да версталыме, «Марий Эл Республикысе Правительствын типографийже» ООО-што ямде оригинал-макет гыч савыктыме. Типографийын адресше: 424000, Йошкар-Ола, Комсомольский урем, 112.

Газетым Массовый коммуникаций сферыште да культур наследийым аралымыште законодательствым шуктен шогымым эскерыше Федеральный службын Приволжский федеральный округысо управленийыштыже регистрироватылме.


Номер – ПИ №ФС 18-1999,
2005 ий 10 февральыште пуымо.

0+


Печатыш пуымо жап –
14-00,
фактически – 13-00

Авторын да редакцийын шоньмашышт турло лийын кертыт. Серыш-влак мөнгеш огыт колталт.
Ак – кутырен келшыме почеш.

Редакцийын да издательын адресше:
424006, Йошкар-Ола, СССР Вооружённый
Вийын 70-ше идалыкше урем, 20-шо пёрт.
Тел. 8(8362) 45-22-82(факс)



Олю ден Колю-лан коваже У ий пай-рем лан пөлекым быштен.



Йоча-влак эн тамле кампеткым вигак кочкын пытареныт.

Школ гыч толмашешышт коваже кодшо кампеткым ик пакетыш пыштен. Ёдыр ден рвезылан төр пайлаш полшыза.

Тушто




Авторын фотожо.



Кө эн тале математик?



Ныл мучашан, кадыр неран. Телым мунчалта, кенгежым каналта.



Йоча-влак, ала тенданат тыгай «раритет» модыш дене фотода уло?

Мыйын имне писе пеш: Шентек-ончык кудалеш.

Шогалтен ом керт кунам – Йўкын польшым йодам. Ужыда, могай мотор? Пу гыч ыштыме, иктөр. Ачим гай ийготан, Чаманем имнем садлан.


Т.ТОКТАРОВА.

Шернур посёлко. Снимкыште: Элика Токтарова.

Түрлө мутым ик мут дене иктешлена.



Телым күлешан вургем.




Могай сылне пеледыш.


Лев СОШИН.



Яра клеткыш могай сўретым шындет?



Мынар лектеш?



Мөчөр-влак коклаште 3 пингвиным муза.

Кудо мөчөрлан шокшо?

Мужыр мөчөр-рым муза.

Кудо мөчөр эн изи?

Кудо мөчөр эн койышан?

Шляпам чийыше мөчөр-влакым кычалза.



Интернетысе сўрет-влакым кучылтмо.